

UGOVOR o nabavci kafe aparata

Zaključen u Sarajevu između:

Zavoda zdravstvenog osiguranja Kantona Sarajevo, Ul. Ložionička broj 2 (u daljem tekstu Ugovorni organ), kojeg zastupa v.d. direktor Sakib Katana, dipl. oec.

i

Artika d.o.o. Sarajevo, Ul. Muhameda ef. Pandže broj 4D (u daljem tekstu Dobavljač), kojeg zastupa direktor Mirela Hadžiosmanović-Nišić.

PREDMET UGOVORA

Član 1.

Predmet ovog Ugovora je regulisanje prava i obaveza između Ugovornog organa i Dobavljača kao izabranog ponuđača u postupku javne nabavke putem direktnog sporazuma za nabavku „kafe aparata“ za potrebe Zavoda zdravstvenog osiguranja Kantona Sarajevo, na osnovu Zahtjeva za pokretanje nabavke broj 3-13-O.Č.-26047/19 od 28.06.2019. godine, Odluke o pokretanju postupka putem direktnog sporazuma broj 03-12-Dž.H.N.-26047-OPP/19 od 09.07.2019. godine, Poziva na dostavljanje ponude broj 03-12-Dž.H.N.-26047-PDP/19 od 10.07.2019. godine, ponude Dobavljača broj: 321-2019 od 17.07.2019. godine, a u skladu sa Odlukom o prihvatanju ponude broj 03-12-Dž.H.N.-26047-OI/19 od 18.07.2019. godine.

PREDMET NABAVKE

Član 2.

(1) Predmet nabavke je “kafe aparat“ za potrebe Zavoda zdravstvenog osiguranja Kantona Sarajevo

(2) Predmet nabavke uključuje sljedeće:

R. br.	Opis	Model	Jedinica mjere	Količina
1	Kafe aparat	FAEMA E98 UP S	komad	1
2	Automatski mlin sa dozerom	RANCILIO KRYO65 AT	komad	1

(3) Tehnička specifikacija je kako slijedi:

R. br	Opis
1	Kafe aparat
	Kafe aparat profesionalne klase kakav se koristi u ugostiteljskim objektima
	Kapacitet spremnika za vodu: 10L ili više
	Dopunjavanje vodom: automatsko
	Dvije ručke za esspreso kafu ili minimalno mogućnost pripreme 3 kafe istovremeno
	Automatsko doziranje: duža / kraća kafa
	Minimalno jedan ventil za toplu vodu
	Minimalno jedan ventil za paru
	Dužina napojnog kabla: minimalno 100 cm
	Frekvencija: 50 Hz
	Napon: 230 V
	Visina prostora za šolje: Prema standardnim dimenzijama
	Dimenzije aparata: Prema standardnim dimenzijama
Garancija: minimalno 1 godina	



	Posebni uslovi: Obezbeđeno održavanje/ servis od strane ovlaštenog dobavljača/servisnog centra.
2	Automatski mlin sa dozerom
	Napajanje el. energijom: 230 V
	Snaga motora: minimalno 300W
	Broj obrtaja: minimalno 1300/min
	Silos za kafu u zrnju: minimalno 1 kg
	Brojač isporučene doze mljevene kafe
	Kapacitet mljevenja: minimalno 7 kg/h
	Vrijeme mljevenja doze 7g ~3 sekunde
	Regulacija gramaže podešavanjem vremena mljevenja
	Mehanička regulacija krupnoće mljevenja
	Nivo buke ~72 dB A
	Silos za samljevenu kafu minimalno 300 g
	Garancija: minimalno 1 godina
Posebni uslovi: obezbeđeno održavanje/ servis od strane ovlaštenog dobavljača/servisnog centra.	

(4) Predmetna nabavka uključuje sav popratni materijal i usluge koji su potrebni da bi se kafe aparat koji je predmet ove nabavke instalirao i pustio u rad te neometano funkcionisao tj. sve prateće usluge dostave, montaže i puštanja u rad kafe aparata.

Član 3.

Mjesto isporuke je Direkcija Ugovornog organa na adresi Ložionička 2, VII sprat.

GARANTNI ROK

Član 4.

(1) Garancija na cijeli predmet nabavke (kafe aparat i mlin) je jedna (1) godina od momenta puštanja u rad kafe aparata.

(2) Dobavljač garantuje da je isporučena roba propisanog kvaliteta bez nedostataka u materijalu i izradi, te da će u garantnom roku od jedne (1) godine od momenta puštanja u rad kafe aparata ispravno funkcionisati.

(3) Dobavljač je dužan u trajanju garantnog roka otkloniti sve kvarove na uređaju koji je predmet ovog Ugovora osim kvarova nastalih kao posljedica nestručnog rukovanja uređajem tj. Dobavljač je u obavezi da u garantnom roku izvrši popravku neispravnog uređaja, nabavku i ugradnju rezervnog dijela i otklanjanje kvara o svom trošku.

(4) Ukoliko se ustanovi da roba koja bude isporučena od strane dobavljača ima oštećenja/ nedostatke koji nisu mogli biti uočeni prilikom primopredaje robe, Dobavljač se obavezuje da će u roku od 3 dana od dana obavještenja od strane Ugovornog organa odstraniti oštećenja tj. dovesti robu u ispravno stanje ili robu zamijeniti ispravnom robom u roku od 7 dana.

OBAVEZE UGOVORNIH STRANA

Član 5.

(1) Dobavljač se obavezuje isporučiti robe i pružiti pripadajuće usluge koji su predmet ovog Ugovora koji kvalitetom i obimom u svemu odgovaraju karakteristikama preciziranim u Pozivu na dostavljanje ponude broj 03-12-DŽ.H.N.-26047-PDP/19 od 10.07.2019. godine, na način i u rokovima regulisanim ovim Ugovorom i prihvaćenom ponudom Dobavljača.

Član 6.

(1) Ugovorni organ se obavezuje da od strane Dobavljača prihvati isporučene robe i pružene pripadajuće usluge koje su Predmet ovog Ugovora ukoliko iste odgovaraju ugovorenom kvalitetu.

(2) Ugovorni organ se obavezuje da nakon isporučene robe i pruženih pripadajućih usluga koje su predmet ovog Ugovora, saglasno Narudžbi, ukoliko iste odgovaraju ugovorenom kvalitetu, plati ugovorenu cijenu na način i u rokovima određenim u Pozivu na dostavljanje ponude broj 03-12-Dž.H.N.-26047-PDP/19 od 10.07.2019. godine i ovim Ugovorom.

Član 7.

(1) Cijena robe i pripadajućih usluga koje su predmet ovog Ugovora ukupno iznosi 4.980,00 KM bez PDV-a, tj. 5.826,60 KM sa PDV-om.

(2) Dobavljač se obavezuje da će robe i pripadajuće usluge koje su predmet ovog Ugovora isporučiti i pružiti po ukupnoj cijeni u kojoj je uračunat PDV i svi drugi zavisni troškovi uključujući sav popratni materijal i usluge koji su potrebni da bi se kafe aparat koji je predmet ove nabavke pustio u rad te neometano funkcionisao kao i sve prateće usluge dostave, montaže i puštanja u rad novog uređaja.

(3) U ovu cijenu je uključena usluga održavanja u trajanju od jedne (1) godine.

Član 8.

(1) Plaćanje Dobavljaču će se izvršiti nakon isporuke, dostave, montaže i puštanja u rad robe koja je predmet ovog Ugovora, a na osnovu ispravno dostavljene fakture Ugovornom organu uz koju moraju biti priloženi narudžbenica i otpremnica ovjereni od strane ovlaštene osobe ispred Ugovornog organa u roku do 60 dana od ispostave ispravne fakture.

(2) Rok za računanje odgode plaćanja započinje od momenta kada Dobavljač isporučí, montira, i pusti u rad robu koja je predmet ovog Ugovora te ispravno dostavi fakturu Ugovornom organu.

OSTALE OBAVEZE UGOVORNIH STRANA

Član 9.

U slučaju potrebe za robama ili uslugama većeg obima, izvan okvira ugovornih obaveza ovog Ugovora, Dobavljač je obavezan tražiti saglasnost Ugovornog organa, te obrazložiti potrebu za istima i i priložiti važeći cjenovnik.

ROK ISPORUKE

Član 10.

Rok isporuke, dostave, montaže i puštanja u rad novog aparata sa svim pripadajućim dijelovima je 15 dana od momenta dostave narudžbenice.

Član 11.

(1) Dobavljač ima pravo na produženje ugovorenog roka ako je u isporuci robe ili pružanju pripadajućih usluga bio spriječen izvanrednim događajima koji se nisu mogli predvidjeti u vrijeme zaključenja ovog Ugovora.

(2) Izvanrednim događajima se smatraju:

- a) prirodni događaji koji se smatraju višom silom (poplave, zemljotres i druge prirodne nepogode),
- b) mjere državnih organa.



(3) Dobavljač je dužan da Ugovornog organa pismeno obavijesti o svojoj namjeri da zbog navedenih okolnosti traži produženje roka.

(4) Ako Dobavljač zakasni sa isporukom robe ili pružanjem pripadajućih usluga iz razloga koji nisu obuhvaćeni članom 12. ovog Ugovora, nema pravo na produženje ugovorenog roka zbog okolnosti koje su nastale u vrijeme kada je bio u kašnjenju i snosit će svu štetu za Ugovorni organ (npr. dodatni troškovi, izmakla dobit, itd.) nastalu uslijed kašnjenja u pružanju usluga.

NAKNADA ŠTETE

Član 12.

Ugovorna strana koja skrivljenim ponašanjem ili nemarom dovede do neurednog ispunjenja ili neispunjenja ugovorne obaveze, pa navedeno prouzrokuje štetu drugoj ugovornoj strani, dužna je da štetu naknadi u cijelosti i to u roku od 15 (petnaest) dana od dana postavljenog kompletiranog i osnovanog zahtjeva za isplatu naknade.

Član 13.

(1) Ukoliko uslijed nemara ili krivice Dobavljača Ugovorni organ pretrpi štetu, Dobavljač je dužan naknaditi štetu Ugovornom organu u stvarnom iznosu.

(2) Ukoliko dobavljač ne isporuči neke robe ili ne pruži neke usluge kako je navedeno u narudžbenici Ugovornog organa, dužan je Ugovornom organu nadoknaditi štetu u vrijednosti iste. Ugovorni organ je ovlašten da ovu štetu naplati umanjnjem pristiglih a neplaćenih faktura, za vrijednost neisporučenih roba tj. nepruženih usluga.

(3) U slučaju neuredne isporuke robe tj. neurednog pružanja pripadajućih usluga ili zakašnjenja u izvršavanju ugovornih obaveza od strane Dobavljača, a kao rezultat nepažnje Dobavljača ili njegovog osoblja, neovisno da li je nastupila šteta takvim postupanjem, Ugovorni organ ima pravo da Dobavljaču plaćanje po fakturi za pružene usluge u kašnjenju umanjni za iznos do 20% od iznosa fakture.

Član 14.

(1) Ukoliko Ugovorni organ, skrivljenim ponašanjem, ne izvrši plaćanje u predviđenom roku, dužan je Dobavljaču izvršiti obeštećenje izazvano kašnjenjem u visini od 20% na iznos neplaćene fakture.

(2) Ugovorni organ neće biti u obavezi platiti obeštećenje iz prethodnog stava ukoliko postoje dokazivi razlozi da je kašnjenje sa plaćanjem nastupilo izvan okolnosti na koje je Ugovorni organ mogao utjecati.

PRESTANAK UGOVORA

Član 15.

(1) Ugovor prestaje njegovim izvršenjem, odnosno obostranim ispunjenjem ugovornih obaveza ugovornih strana, a najkasnije u roku od jedne (1) godine od dana zaključenja ugovora.

(2) Ugovor može prestati i prije njegovog izvršenja, u slučaju raskida.

Član 16.

(1) Obje ugovorne strane mogu raskinuti ovaj Ugovor:

- a) u slučajevima kada se kod jedne ili obje ugovorne strane jave razlozi izvan njihovog utjecaja koji onemogućavaju dalje izvršenje ugovornih obaveza;
- b) u svim ostalim slučajevima propisanim zakonom.

(2) Ugovorna strana koja želi da raskine ugovor je dužna prethodno pisanim putem pozvati drugu

ugovornu stranu na ispunjenje ugovorene obaveze.

(3) Ugovor se raskida pismenom izjavom koja se dostavlja drugoj ugovornoj strani.

(4) U izjavi mora biti naznačeno po kom osnovu se Ugovor raskida, kao i dostavljen dokaz da je druga ugovorna strana prethodno, također pisanim putem, pozvana na ispunjenje ugovorene obaveze.

(5) U svakom slučaju Ugovor se ne može raskinuti zbog neizvršenja neznatnog dijela ugovornih obaveza.

Član 17.

(1) Ugovorni organ može raskinuti ovaj Ugovor:

- a) ako Dobavljač ne izvrši ugovorenu obavezu u pogledu kvaliteta tj. ako se utvrdi da isporučene robe tj. pružene usluge ne ispunjavaju kriterije iz ponude temeljem kako je zaključen Ugovor;
- b) ukoliko se utvrdi da Dobavljač krši zakonske propise u domenu porezne politike, što uključuje direktne i indirektne poreze i ostale javne prihode, a posebno ako za radnike ne vrši izmirivanje obaveza po osnovu doprinosa za zdravstveno osiguranje, u rokovima i na način utvrđen zakonskim propisima;
- c) ako je zaostajanje u isporuci robe i pružanju pripadajućih usluga koji su predmet ugovora takvo da može dovesti u pitanje izvršenje ugovora ali samo ako je do zaostajanja došlo krivicom Dobavljača;
- d) u svim ostalim slučajevima propisanim zakonom.

(2) Iz razloga propisanih stavom 1. alineje a), c) i d) ovog člana Ugovorni organ može raskinuti ovaj Ugovor samo ako je prethodno upućen pisani poziv Dobavljaču sa zahtjevom za ispunjenjem ugovornih obaveza i sa ostavljenim dodatnim rokom koji ne može biti kraći od 8 (osam) i duži od 30 (trideset) dana.

Član 18.

(1) Dobavljač može da raskine ugovor ako Ugovorni organ uslijed vlastite krivice ne izvrši svoje ugovorne obaveze.

(2) U svakom slučaju Dobavljač neće moći raskinuti ugovor bez pisanog poziva na ispunjenje ugovornih obaveza uz minimalan rok od 8 dana za postupanje Ugovornog organa po pozivu.

OSTALE ODREDBE

Član 19.

Za sve ono što nije regulisano ovim Ugovorom primjenjuju se važeći propisi i poslovni običaji u oblasti predmetnih nabavki i Zakon o obligacionim odnosima.

Član 20.

(1) Svi sporovi koji eventualno nastanu iz ovog Ugovora rješavat će se sporazumom ugovornih strana.

(2) Ako se spor ne riješi na taj način, za sudsko odlučivanje određuje se mjesna nadležnost suda u Sarajevu.

Član 21.

Dobavljač nema pravo zapošljavati, u svrhu izvršenja ovog Ugovora fizička ili pravna lica koja su učestvovala u proceduri javne nabavke putem direktnog postupka za nabavku ovih roba i pripadajućih usluga ispred Ugovornog organa najmanje šest mjeseci po zaključenju Ugovora, odnosno od početka realizacije Ugovora.

